



Na osnovu člana 64. stav (1) tačka b), člana 70. Zakona o javnim nabavkama („Službeni glasnik Bosne i Hercegovine“ broj 39/14) i člana 8. Poslovnika Centralne izborne komisije Bosne i Hercegovine („Službeni glasnik BiH br. 50/07, 33/09, 24/13 i 32/14), na preporuku Komisije za javne nabavke od 06.05.2016. godine date nakon prijema Rješenja Ureda za razmatranje žalbi Bosne i Hercegovine broj: JN2-01-07-1-201-5/16 od 28.04.2016. godine kojim se žalba ponuđača N.I.G.D. Dnevne nezavisne novine d.o.o. Banja Luka usvaja i poništava Odluka Centralne izborne komisije BiH broj: 07-2-16-70-13/16 od 31.03.2016. godine o poništenju postupka nabavke usluga oglašavanja na bosanskom jeziku LOT 1, Centralna izborna komisija Bosne i Hercegovine je na 23. sjednici održanoj 12.05.2016. godine, d o n i j e l a

ODLUKU **o izboru najpovoljnijeg ponuđača**

(1) Okvirni sporazum za nabavku usluga – oglašavanja u dnevnoj štampi na bosanskom jeziku - latinici u visokotiražnom dnevnom listu koji se distribuira na teritoriji Bosne i Hercegovine LOT 1 proveden putem konkurentskog zahtjeva za dostavu ponuda broj: 07-2-16-3-70/16 od 10.03.2016. godine dodjeljuje se ponuđaču N.I.G.D. „Dnevne nezavisne novine“ d.o.o. Banja Luka, Braće Pišteljića 1, za usluge oglašavanja u dnevnim novinama „Dnevne nezavisne novine“ .

(2) Ponuda ponuđača iz stava 1. ove odluke zadovoljava sve uslove utvrđene u predmetnoj tenderskoj dokumentaciji i ocjenjena je kao najpovoljnija ponuda, jer je ponuđena najniža cijena oglašavanja. Ponuđač je ponudio cijenu za predmetne usluge u ukupnom iznosu od 4.100,00 KM bez PDV, odnosno u ukupnom iznosu od 2.638,35 KM sa popustom i PDV.

(3) Ponuđaču iz stava (1) ove odluke, će biti dodjeljen okvirni sporazumu skladu sa elementima Ponude, te uslovima i kriterijima utvrđenim u obavještenju o nabavci i tenderskoj dokumentaciji.

(4) Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog zahtjeva. Obavještenje o nabavci objavljeno je na portalu Javnih nabavki, broj obavještenja: 794-7-2-290-3-12/16 od 10.03.2016. godine. Primljene su tri ponude sljedećih ponuđača: „Oslobđenje“ d.o.o. Sarajevo, „Avaz roto press“ Sarajevo i N.I.G.D. „Dnevne nezavisne novine“ Banja Luka.

Komisija za javne nabavke imenovana Rješenjem broj: 07-2-16-3-95-1/16 od 04.02.2016. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-70-21/16 od 06.05.2016. godine je u prilogu ove odluke) i uputila preporuku Centralnoj izbornoj komisiji BiH za izbor N.I.G.D. „Dnevne nezavisne novine“ Banja Luka, Braće Pišteljića 1, Banja Luka, za usluge oglašavanja u dnevnim novinama „Dnevne nezavisne novine“, kao najpovoljnijeg ponuđača za nabavku usluga – oglašavanja u dnevnoj štampi na bosanskom jeziku - latinici u visokotiražnom dnevnom listu koji se distribuira na teritoriji Bosne i Hercegovine LOT 1, po ponuđenoj cijeni za predmetne usluge u ukupnom iznosu od od 4.100,00 KM bez PDV, odnosno u ukupnom iznosu od 2.638,35 KM sa popustom i PDV.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od pet (5) dana od dana prijema ove odluke.

Broj: 07-2-16-3-70-22/16
Sarajevo, 12.05.2016. godine

Dostavljeno:

1. Ponuđačima 3x
2. Odsjeku za materijalno finansijske poslove
3. Na web CIK BiH



Predsjednik

Dr. Ahmet Šantić